

報日環循

光緒八年歲次壬午八月十五日

號四十二百六千三第 二 拜 禮

白

同昇號造機汽

茲本號專造各款機汽爐鑪及鑄生鐵銅鐵器與船上各款物件等具巧克精通快捷儉煤無論各款均能精巧異常利便主固而各上等車床器機架生俱由英國所到歷已有二十餘年早已遠近馳名今又加置英國上等車床各件齊備而架生俱用火車機汽所帶行動並鑄生鐵器具概與西人無異快捷主固無誤價甚相宜舖在香港下環馬路東道即大王廟左門牌第一百七十五號至一百八十一號均為一所 貴商賜顧請到本號相酌面議

光緒八年 正月初十日 承造機汽人同昇號啟

司前開創 二百餘載 聲

敢者羅偉羅盈趙昌陳早四人合伴承接到禮興寶號建造撥歸灣屋宇工夫一單經立下台同係裕源號担保茲因夥伴綏趣不同今羅盈羅偉二人志圖別業不愿承接建造生意經已告辭禮興寶號矣惟是該合同禮興未有交回注銷此後視為廢紙無得異言如以後或趙昌或陳早或招別人等承做生意盈虧一概不干羅盈羅偉及担保人裕源店之事特此聲明以免後論

羅偉羅盈裕源店全啟

啟者近有無耻之徒假託本堂及弟等
名字往各處假冒棍騙賒取銀兩什物
或冒名請託事務種種不一嗣後如有
生面人等到取銀兩什物千祈勿交必
要送到本堂賬房蓋回本堂圖章方爲
實據及請託各事者亦祈移玉到弟
處面爲詢問乃可倘諸公不察誤被其
棍騙與弟等無涉特此佈聞以免後論
光緒八年 八月 初四日 牛

啟者普國士得天保險公司名鋪
利臣爾士柯爾爐共計科出現本
銀二百捌十萬圓其餘付充未有
限量倘遇不測代照數賠足茲分
設香港特託末士咪也洋行代理
專保中外房屋鋪戶貨物及堅固
貨倉貨物無火燭之虞價甚相宜
所有保險規矩亦極妥善 諸君
光顧請移玉是荷 丁巳
光緒八年六月廿三咪也洋行啟

上等火藥出售

啟者英國國家未士碧古威力士及魯倫士火藥公司俱係附搭末士味也洋行代沽並無分附別家發售該公司之火藥加功製作格外幼淨功力甚大遠近馳名現承接英國兵家火藥及各國中國軍營常用此公司之火藥也貨真價實諸君光顧祈移玉至本行面議是荷特此佈聞

光緒八年 香港味也洋行謹啟

至昌

遼 錄 京 報

聞 新 城 羊

八月初十日 督撫憲轅報 督憲曾 出府往 天后案前行秋祭禮臨臨撫憲
裕在貢院升炮開門陸續放出應頭場試各府州縣貢監生員理事廳長學知放八
旗兵米鹽經驛章補用鹽知事李嘉勛俱稟知散給育嬰堂餉銀○命案株連 駱
佑之乃世職銜也前因所置之田在番禺等處屢被土人挖掘以取蠔壳有害田疇
曾指名上控茲聞掘取蠔壳之人因互相爭奪以致毆鬥因而傷斃人命屍親指係
其佃戶所傷前日駱佑之又赴廣州府轅呈訴初七日饒大尊批云前據該職來府
具控前據控奉撫憲批行 經飭縣查拘示禁續據該縣稟報客民蘇五原報劫殺
擄捉現經訊明實係因爭毆斃應更正歸命案緝兇並將劉希被控強挖蠔壳案查
辦情形陳明等情核與該職現詞大畧相符仰番禺縣速即會營並移會番順二縣
嚴拏劉希等務獲究辦仍查明張玉倫如係被誣應即駐拘均毋泄延粘抄並發

本店命案 馮畔街中終昌盛號本算盤店有工作甲乙二人積不相能前月復因事角口經東主排解了事而二人外雖相安心猶餘憤未平月之初十日爲行中禱叙之期甲乙二人赴會酒酣之後舊憤復發迨至酒闌人散甲恃年富力強因欺侮乙乙亦恃醉兇橫一時性發身懷利刃於舌劍唇鎗之下以言語激甲甲怒飽乙以老拳乙出其不意以刀斫甲傷甲之肩膊甲猶奮力與鬥乙再刃甲腹登卽血流甲胥痛回店叩門而入詎料僅入門內登卽仆地店東秉燭觀之見其鮮血淋漓盤問其故甲以乙事告店東命人掖之入內而乙亦由外回蓋乙以爲甲所傷不重不妨回店也越至四鼓甲腹內腸出痛極而斃鄰店及同行者聞知卽將乙綑縛在店十一早稟南海縣委員相驗委員照屍填格將乙帶回署中以便正厥典刑照律擬辦有無帮兇則尙未悉也○雷警不孝 聞附近陳村舊墟

外 中

劉家巷有劉某者嚴君見背慈母是依母矢柏舟之志約已經年某近來性嗜賭博破耗費財不知凡幾前月二十七日因一戰而北片甲不回再戰仍輸雙輪不返於是歸家效秦庭之哭欲爲背城借一倖復舊疆其母以賭塞難填怒罵之某反唇相稽聲色俱厲其母憤恨填胸淚流滿面謂某如此忤逆必受雷誅時忽傾盆大雨雷電交作詎料霹靂一聲火光滿室將某提諸堦前某震懼矢天悔悟母見其自悔遂爲之當空求免雷聲頓止某亦無恙此事得諸順德友人來談謂爲目擊未知確否錄之以爲不孝者警

中外新聞
安撫高麗軍民示
提督軍門辦理朝鮮事
禮義比年以來權臣竊
主者或由於豪宗積威
赫然震怒念爾國太公
威殲渠釋從明正典刑
皇帝自有權衡必不於
高深此外從前亂黨或
相抗嚴陣相待儘可一
門等奉命而來則體

命二品頂戴辦理朝鮮事宜候選道馬銓命廣東水師提督王德榜辦理朝鮮事宜瑛鄂巴圖魯吳元龍名簡放
宜西林巴圖魯丁 欽加卹政使銜隨辦朝鮮事宜河南候補道魏爲曉諭事照得朝鮮爲中國藩屏之邦素秉
柄政出私門毒積禍深遂有今年六月之變夫弑妃辱王殘民虐吏一時並發此千古之至變也凡亂之興必有
之漸或根於奸邪異志之萌原本各殊輕重斯判頃者變告 上聞道路流傳皆言爾國太公質知其事 皇帝
既知其事必能得其主名特命遣師臨爾國境先以爾國太公帶回中國親問事狀一俟罪人斯得更申天討之
廷旨殷切敢弗祇懍今統領北洋水師丁軍門轉與爾國太公航海詣 闕處人骨肉之間全恩明義我大
爾太公有所深責但舉動倉猝恐爾上下臣民未明斯意妄生疑懼以元代執高麗忠臣忠惠爲例大負 聖意
以畏迫更造異謀目前大水陸齊進已有二十營此後繼發者海上相屬爾自度 王師可以顯拒兵力可以
戰否則深鑑禍福早自激發幸勿執迷怙惡自速誅夷而震怒良善嗚呼 天朝視爾朝鮮臣主誼猶一家本軍
皇帝之至仁爲軍中之律令雷霆日月斯言告諭諄諄尙其信諒切切特諭 光緒八年七月十三日示

呈憲頌詞 倫敦電報拿四字日報云西歷七月二十八日下午有某甲者乃爲倫敦及李華保路城旅居之華人所使者也呈獻頌詞於前任港督燕制軍其頌詞大意乃言制軍在港之時厚待華人恩高德至其作事也維秉厥公不偏不倚無枉無私不獨闔港華人共深仰卽在他處者亦無不贊揚弗置惟望制軍身其康強福無涯涘再蒞香港以行其政撫輯我羣黎惠保我衆庶申鴉片之禁嚴火酒之嗜免爲港中民生之害復有華人會館之經歷人呈上名東東中共刊人名約有二百大意亦言制軍之仁愛華

人朝舉國之人無不羣相欽重感涕弗遑燕制軍得接榮詔卽行答謝謂自我去後華人愛慕之恩有加無已深可感也且曰英國自古及今華人之在倫敦獻頌於英官者當以此次爲始華人於此一舉可稱爲盛事矣前日劉述廷觀察偕理藩院人員金巴理并英廷諸大臣在甲申會堂設筵讌集備極其歡此足見英與中朝更形和好倍敦睦矣本官出仕以來經歷數處東方之民其易於治理者莫若華人蓋其性情溫和職事勤敏孝於父母友於昆弟順於夫婦篤於友朋固多屬良民也本官前日蒞治港中華人得入議院凡有政事關涉華人利益者准其同議此亦破格行之向來所未有也華民之待本官也如此本官之待華民也如彼夫亦各盡其禮而已禮者事之宜也夫豈有所畸重畸輕而分畛域於其間哉燕制軍言竟無不額手稱頌擊欣欣賞燕制軍得華民之心而爲華民念念不忘於此可見一斑矣

諸君港督 倫 暨 等 西字日報謂西曆八月初二日前白港督將制軍在十東及治港轉與英國使臣居謂大員及參述處觀察相見一晤集者統十五六人衣冠
踰濟簪笏雍容諸大 皆係英國名人爲官而爲紳者呈有頌詞於港督之前以謝其治港之善政以贊其蒞民之仁風才識兼優而恩德遍及凡有事關華人之利
益者必使華人亦得有之其均平以此可見矣有大員治臣觀頌頌詞起而言曰制軍仕於國家也忠君愛國竭力盡心實冠於羣流而超乎凡輩以故名譽卓著政
聲四溢當其仕於香港之時整頓風俗體恤民情愛羣黎如保赤子視港中華民如視英民若同一派無區畛域因此更張律例廢除酷刑將打籐一律刪除至於販
鬻工役賣買奴婢兩事華人雖謂之無辜制軍亦爲之禁除前者定例議例兩局未嘗准華人入內得而論列制軍到港之後遂批准華人凡有事會議亦可赴局與
聞此舉也抑何公而無私大而我哉頌詞又曰伏望制軍矢慎矢勤久仕於香港再行其道以治我華民豈不懿歟有大員滑登演對衆言曰燕制軍之初仕於
香港也吾曾與之相接今聞此頌詞吾心良喜有大員字刺言曰制軍之禁除販賣工役一欸大爲可賀實善政德風也劉君述廷宣讀頌詞且曰深謝制軍待香港
商民恩德無量更改嚴刑刪除酷律有學士何頓者乃阿非利加洲之土人也曰昔者制軍之仕於西濱德政四佈民皆被其恩澤土人咸自認爲英之黎民蓋謂英
爲莫大恩主也燕制軍答衆言曰聆此頌詞本官良深感謝叨蒙上下議院人員論及本官之事尤深爲銘感本官於前數年曾聞英廷有言當竭力設法以教習港
中華民使其諳曉英之方言通悉英之文字惟本官初到港時國家設立書館十三所教以英國語言文字者惟一所耳有華人之經商者稱說港中華人不得肆習

英言殊屬可憂本官之所
以躊躇滿志者惟有通商
一事歷數年以來英與中
國通商大有起色茶葉一
欸銷流更大而價值亦更
相宜我准華人在港議例
院聽政一事多有稱為善
者是則我之撫斯港民也
可謂不負斯行矣燕公言
竟眾皆起而舉觴屬賀云

中俄近耗 倫敦遞來消息云俄國西伯利亞官報謂前者俄人設有輪船專往來於琿春中國及日本等處又
云中朝現於俄國邊疆設有砲台以資鎮守中朝總督出示禁止華人毋得販賣糧食馬匹牲口以與俄人交易
蓋南天蘇利地方固俄之屬土也此處想夫設賣貨單頭故禁華民毋得越界耳按此消息未知真否想係傳聞
之詞虛多而實少耳○德國近耗 德國消息云水師官美靈因貪財鬻國一案業經定讞判繫狴犴六年充作
苦工自此鐵案如山不可移易矣按美靈固普之兵弁也因西歷是年春與俄國水師官某甲交殊稱莫逆誼結
金蘭而情聯綢繆俄人賄之以財美靈遂將德國近日海防所有扼要之地悉行傾吐言何處可以進攻何處可
以屯兵有若聚米為山情形歷歷俄人是以知德之虛實曰普國在我日中矣及至四月有俄人將事機洩漏于
外德廷遂將美靈及俄人李威連拘訊當時李威連知禍已及歎曰此禍直可殺身矣余何能忍因先自盡聞德
廷捉獲美靈幸爾尙早若稍遲之則德將必為俄之所乘而邊疆之害有不可勝言者矣夫人委贄於朝策名筮
仕宜如何矢其忠誠盡心於厥職乃因賄賂之加遽輸情於敵其為患於國家豈淺鮮哉僅繫囹圄罰猶輕也

京信到省云廣東學政着葉大燾去 陝西藩司道員着潘衍鋈着神授等由○光緒八年壬午科廣東鄉試二場題目易經 兌正秋也萬物之所說也 書經 卿士惟月師尹惟日 詩經 庭燎有輝君子至止言觀其旅 春秋 夏公會齊侯于夾谷 禮記 甘受和白受采忠信之人可以學禮 二場貼出者二十五人較之頭場登藍榜者稍少矣○雨水報章 禮拜六日憲報云本港西歷八月一月間共得雨水十八寸零四十四分而上年此月共得雨水二十二寸零九十四分云○婦人行竊 陳蘇嬌婦也於西歷四月二十六日竊去蛋婦鄭蘇妹衣物一包值銀三十圓被拘到案官判繫獄六個禮拜並作苦工杜戴蛋婦也因於十一日偷竊小輪船榮盛大纜一條鐵鉤一枚被拘到案官審得其詳判監禁七日云○懸樑自盡 十二朝有華婦李氏乃堅道娼寮之倚門賣笑者也不知因何自盡先一晚死者尙與同伴笑言宵深始睡頗明晨早餐已具尙未見死者出房有僕呼之則見懸繩於梁已作步虛仙子呼告衆人爲之解下氣息奄然告知巡差飭乞昇至醫院十二月經驗屍官偕諸陪審人員到院訊驗知死者自尋短見與人無尤

小 火 船 仔 出 賃

啟者本店常有各埠煤炭客堅固快捷火船仔數只賃往各處或帶快信或遊河拖船出入口俱皆利便妥當如貴客光顧請至同文街興利店面議價甚相宜此佈

光緒八年正月十八日

同文街興利店謹啟